

Ang Gingharian sa Dios

“Si Jehova nga atong Dios misulti kanato didto sa Horeb, nga nagaingon: Kamo nakapuyo sa hataas na nga panahon niining bukira: Pamalik kamo ug panggikan kamo... Ania karon, akong gigahin ang yuta sa atubangan ninyo: sumulod kamo, ug panag-iyahon ninyo ang yuta nga gipanumpa ni Jehova sa inyong mga amahan, kang Abraham, kang Isaac, ug kang Jacob, nga igahatag kanila, ug sa ilang kaliwatan sa ulahi nila.”

Deuteronomio 1:6-8,

Pila ang nakabasa balik didto sa Deuteronomio 1, diin ang mga espiya misulod gayud didto ug mitilaw sa mga butang gikan sa Canaan, **nga ang Canaan dili mao ang tipo sa milenyum.** Pila ang nahibalo niana? **Ang Canaan dili mao ang tipo sa milenyum,** tungod kay sila adunay mga gubat, mga pakig-away, mga pagpatay, ug tanang butang pa sa Canaan. **Ang Canaan mao ang tipo sa Espiritu Santo. Ang Egipto mao ang kalibutan nga diin sila migula. Ang kamingawan mao ang dapit diin sila gibalaan, gitawag pagawas nga Iglesia. Ang Canaan mao ang dapit diin sila gipahimutang sa Espiritu Santo,** tungod kay sila sa gihapon adunay mga gubat. Ug kung dili kamo motoo nga kamo adunay mga gubat, batoni lamang ang Espiritu Santo.

Unsa ang imong ginabuhar? Unsa ang ilang ginabuhar sa Canaan? **Ilang gipanag-iyang ang ilang mga katungod. Himaya. Ilang gipanag-iyang ang ilang mga katungod. Ug dili sila makapanag-iyang sa ilang mga katungod hangtud sila makasulod ngadto sa Canaan. Sila walay bisan unsang naangkon sa kamingawan. Tungod niana, sa dihang sila nakasulod ngadto sa Canaan, unya sila adunay mga katungod. Ug kita nakabaton ug mga katungod. Sa dihang imong madawat ang Espiritu Santo, ikaw anaa sa Canaan. Kinahanglan ikaw makig-away niini; matag pulgada sa yuta kinahanglan imong pakig-awayan kini.** Oo, sir. Mao kana ang hinungdan ang katawhan moingon, “Brother Branham, imong ampoan ako karong adlaw, ako...” Nakita ninyo? Sulod ngadto sa Canaan, igsoon, ug imong maamgohan kung asa ikaw nasakop. **Bantayi ang pag-ampo makapasugod sa mga butang didto sa unahan karon.** Oo, sir.

Siya miingon, “Tan-aw dinhi, Satanas. Kini akoo. Ako ang tag-iyang niini. Ang Dios miingon sa ingon niini. Pahawa. (Tinuod kana.) Pahawa sa akong yuta.”
“Imong yuta?” Si Satanas miingon.

“Akong nabatongan ang abstrak nga titulo niini. pahawa! Siya mopahawa. Segurado, kinahanglan siya mopahawa.” [1]

Karon, hinumdomi, Siya mihatag sa yuta kanila; apan kinahanglan sila makig-away sa matag pulgada niini. Ang Dios miingon kang Josue, “Bisan asa nga dapit nga pagatumban sa lapalapa sa inyong mga tiil mainyo.” **Mga tunob nagpasabut nagpasabut ug pagpanag-iyang. (Josue 1:3)**

Atong ipadaplin ang mga pangatarungan (*II Cor. 3-6*). Atong isalikway sila, ug tumanon ang Pulong. Tumanon ang Pulong, padayon sa unahan! Ang Pulong miingon sa ingon niini.

Karon, ikaw moingon, “Tungod niana ang saad ako.” Segurado. **Apan ikaw makig-away sa matag pulgada niini hangtud ikaw maayo.** Imong kuhaon ang matag lakang niini. **Gubat kini. Imo ang saad. Mao kana ang yuta sa saad;** kinahanglan sila makig-away aron makuha ang matag lakang niini. Ug ang saad imo, apan ikaw makig-away sa matag pulgada niini.

Dugang pa si Brother Branham miingon: gitawag ako sa Dios aron sa pagwali sa Maayong Balita katloan ug usa ka mga tuig ang milabay. **Ako nakig-away uban sa Espada sa Dios, nagatuman sa saad, ug nagadasdas.**

Ang Dios naghimo sa saad. Magpabilin kita niini. Ang Dios nagsaad niini. Bisan... Kinahanglan ikaw adunay gubat. **Kung magtinapolan, unsay imong pagadag-an? Sila nagmadaugon pinaagi sa Pulong sa Dios ug sa ilang pagpamatuod, ang Dugo ni Cristo (Pin. 12:11).** Kinahanglan magmadaugon ka, ug kinahanglan aduna kay mga kaulangan. Ug ang katawhan nga dili mouyon, ug nagsamoksamok kanimo, ug mosulti kanimo nga holy roller, ug ubang mga butang, nga gibutang sa imong atubangan, mao kini ang pagsulay. Kung wala ka makabaton niana, nan ikaw wala sa panggubatan.

Sa unsang hinungdan nga moabin ka sa Kasundalohan ug magbansay? Magsuroysuroy, magpabantang ug magpahambog? Mao kana ang paagi sa paglihok sa ubang Cristohanon, nga kita buot pagadayegon. Dili ka angayng pagadayegon. Ikaw angayng pagaayran. *“Kay ang tanang nagkinabuhi nga diosnon diha kang Cristo pagalutoson” (II Tim. 3:12).* Punita ang Espada, tigbasa ang tanang butang nga naggapus kanimo, ug padayon sa unahan.

Si Josue, si Caleb, nagpahilom sa katawhan. Sila miingon, “Dili nato makuha kini, dili gayud nato makuha kini.” Nakita ninyo, sila nagatan-aw sa mga Amalekanhon. **Si Josue ug si Caleb nagatan-aw sa saad. Mao kana ang kalainan. Nagdepende kana sa kung asa ka nagatutok (Num. 13:26-33).** Si Josue miingon, “Kita labaw pa nga makahimo niini. **Kita labaw pa nga makahimo.** Oo,” miingon, “sila mga tinapay lamang alang kanato. Oo, sila daku nga tan-awon. Sila daku. Apan kita adunay dakung tinapay.” Miingon, **“Ang Dios naghatag kanato sa saad,** ug ang kahadlok kanato anaa sa matag-usa kanila. Bisan pa niana sila dili mouyon kanato; bisan pa niana sila nangalisang kanato. Sila nangalisang kanato ngadto sa kamatayon.” Miingon, “Moadto kita atong kuhaon kini. Ang Dios mihatag niini kanato, busa kini ato. Molihok kita ug kuhaon kini” (Num. 14:1-10).^[2]

Buyno, namatikdan ba ninyo sa wala pa gayud makaadto sila sa yuta sa saad, sa wala pa sila mosulod ngadto sa yuta sa saad, nga pipila lamang unta ka mga adlaw, napulo kon napulog usa ka mga adlaw, tingali dili niana ka daghan, tungod kay kay kini mga kap-atan lamang ka mga milya. Sila makaadto unta dayon ngadto sa yuta sa saad; sila nakaagi latas sa matag hugna sa panaw nga atong ginalaktan. Ug sila nakaabut, milatas sa Mapulang Dagat; ang kasundalohan ni Faraon nangalunod sa luyo kanila. Nakagawas sila gikan sa ilang mga kaaway, nagsugod paglatas sa kamingawan, ug nakaabut sa daplin sa yuta sa saad didto sa Kades-Barnea, ug didto sila napakyas (Num. 13 ug 14). Ngano? Ngano nga sila napakyas?

Karon, si Moises miingon ngadto sa napulo ka banay; siya miingon, “Siya magapadala ug usa ka tawo sa matag banay aron sa pagrepresenta sa matag-usa ka banay, aron sa pag-espiya sa yuta aron tan-awon unsang matang sa kahimtang kini.”

Karon, kung kana dili mao gayud ang imong dapit, diin ikaw moanha. Ang iglesia miagi sa pagkamatarung pinaagi kang Luther, miagi sa pagkabalaan pinaagi sa Methodist, ug karon ngadto sa panahon sa saad. **Ang saad mao ang bautismo sa Espiritu,** nga gisaad sa Daang Tugon (Joel 2:28-32) ug sa Bag-o usab, ang saad: “Tan-awa, Ako magapadala sa saad sa Akong Amahan kaninyo...” (Lucas 24:48-49). Si Pedro miingon niana sa adlaw sa Pentecostes.

Mao kana ang saad. Ang yuta sa saad mao ang pagpuyo dinhi sa yuta sa Espiritu Santo. Mao kana ang saad sa Dios ngadto sa iglesia, **mao ang pagkinabuhi diha sa gahum sa Espiritu.** Mao kini ang **laing kalibutan; mao kini ang laing yuta.** Kinahanglan ikaw mogula sa mga kahimtang diin anaa ikaw, mogula aron magkinabuhi dinhi niining yuta sa saad, aron sa pagdawat sa saad. Hinumdomi ang saad, *“Makadawat kamo sa gahum gikan sa kahitas-an, human niini, ang Espiritu Santo mokunsad kaninyo...” (Mga Buhat 1:8)*

Ug si Pedro miingon nga ang saad nga gihimo sa tibook Tugon, Daan ug Bag-o... Imong makaplagan nga nagasaad, ug nagasaad hangtud ngadto nianang adlaw sa Pentecostes, **ug tungod niana sila nakasulod ngadto sa saad.**

Hinumdomi, si Josue ug Caleb mao lamang ang duha gikan nianang tibook pundok sa duha ug tunga ka milyon ka katawhan nga miadto sa yuta sa saad, tungod kay sila misulod sa yuta sa saad, ug mikuha sa panalangin, ug mibalik. Ug sila miingon, “Kita labaw pa nga makakuha niini, tungod kay ang Dios miingon sa ingon niini.”

Ug didto sila mipabilin. Ngano? **Karon, kadtong tanang katawhan nagatutok sa mga sirkumtansya, apan si Josue ug si Caleb nagatutok ngadto sa unsay gisulti sa Dios:** “Akong gihatag kaninyo kanang yuta; lakaw ug kuhaa kini.” [3]

Ang tinuod nga Cristohanon nagapakig-away sa iyang dapit. Siya magabarug nga mag-inusara, siya ug ang Dios, ug siya makig-away sa matag pulgada sa yuta, tungod niana dili nimo sila panggaon. [4]

Apan karon, padayon sa unahan! Unya namatikdan ba ninyo si Moises, kanang dakung magbubuhay ug milagro nga midala sa Israel latas sa yuta, ug nagdala kanila ngadto sa yuta sa saad, apan wala nagpahimutang sa ilang panulondon ngadto kanila? Siya wala naghatag kanila sa ilang panulondon. Siya nagmando kanila ngadto sa yuta sa saad, **apan si Josue ang nagbahinbahin sa yuta ngadto kanila.** Tinuod ba kana? Ug si Jesu-Cristo nagdala sa iglesia ngadto sa dapit diin ang ilang pagpanag-iyang gihimo ngadto kanila, gihatag ngadto kanila, sa paglatas lamang sa Jordan, **apan ang Espiritu mao ang Usa nga magpahiluna sa iglesia diha sa iyang hana-ay,** ang Josue karong panahona nga nagabutang sa iglesia diha sa iyang hana-ay, **nagahatag ngadto sa matag-usa, mga gasa, mga dapit, mga posisyon.** Ug Siya mao ang Tingog sa Dios nga nagapamulong pinaagi sa kinasuloran nga pagkatawo nga giluwat ni Cristo: ang Espiritu Santo.

Karon, nakakuha ka ba ug niana ka daghan gikan niini? Karon, kita moadto ngadto sa Basahon sa **Mga taga-Efeso.** Karon, sa samang paagi, **Siya nagpahimutang sa iglesia sa iyang dapit kung diin sila nahimutang.** Karon, si Josue nagpahimutang kanila sa ilang dapit diha sa natural nga yuta. **Karon, ang Espiritu Santo nagpahimutang sa iglesia sa iyang dapit, sa dapit diin sila mahimutang, ilang panulondon.**

Karon, aron ang klase dili makalimot niini, giunsa nato pagsulod ngadto kang Cristo? Maghimo ba kita ug pagsugid aron makasulod kang Cristo? Magpaunlod ba kita tubig aron makasulod kang Cristo? Unsaon nato sa pagsulod kang Cristo? I Mga Taga-Corinto sa ika-12 nga kapitulo, “Kay pinaagi sa usa ka Espiritu (usa, kapital E-s-p-i-r-i-t-u, nga mao ang Espiritu Santo.) **kitang tanan nabautismohan ngadto sa yuta sa saad**” (*I cor. 12:13*).

Dinhi sa yuta sa saad, tanang butang ato diha sa yuta sa saad. Sa dihang ang Israel mitabok sa niining Jordan ngadto sa yuta sa saad, **nakig-away sa tanang butang...**

Karon, hinumdomi, dinhi niining yuta sa saad, **wala kana nagpasabut nga ikaw dili magmasakiton; kana wala nagpasabut nga wala ka nay mga kasamok.** Apan kini mohupay niini (Oh, atong ipatidlom kini ug maayo): **kini misulti niini, nga kini imo. Bangon lamang ug kuhaa kini.**

Sa dihang anaa kita kang Cristo, kita adunay mga espirituhanong panalangin. Gawas kang Cristo kita adunay mga pagbati. Diha kang Cristo kita adunay mga positibo nga mga panalangin, dili sa pagpatootoo, tinumotomo, dili mga pasangil. **Apan samtang ikaw magatinguha sa pagsulti nga ikaw anaa sa yuta sa saad, ug wala gayud, makaplagan ikaw sa imong mga sala.** Ug ang nahaunang butang nga imong mahibaloan, imong makaplagan ang imong kaugalingon nga magkasayupsayup, ingon nga gitawag nato kini diha sa kalibutan nga dangag. **Imong makaplagan nga wala nimo makuha kung unsa ang imong ginasulti. Apan sa dihang ikaw anaa kang Cristo Jesus, Siya nagsaad kanimo sa langitnong pakigdait, langitnong mga panalangin, langitnong Espiritu; tanang butang imoha.** Ikaw anaa sa yuta sa saad ug anaa sa hingpit nga pagpanag-iyang sa tanang butang. Amen. Unsa ka matahum. Oh, atong pagatun-an kini. Karon, ania dinhi diin ang iglesia napangdol ug maayo.

“Ingon nga nagpili Siya kanato diha Kaniya...” Diha kang Kinsa? Kang Cristo. (Efeso 1:3-7).

Giunsa nato sa pagkuha niini? Giunsa nato sa pagkahibalo niini? Ang Dios, sa wala pa ang pagtukod sa kalibutan nagpili nang daan kanato. Kinsa? **Kadtong anaa na sa yuta sa saad.**

“... nagpili nang daan kanato aron mahimong mga anak nga sinagop diha kang Cristo Jesus... sumala sa kahimut-an sa Iyang kabubot-on,

Alang sa pagdayeg sa *Iyang himaya...* (**Nga kita magadayeg Kaniya sama sa Iyang giingon.** Mao kana kung kinsa Siya, Dios, kita buot magadayeg Kaniya.)... pagdayeg sa himaya sa Iyang grasya nga sa wala bayad gihatag Niya kanato diha sa Hinigugma. (Diha kang Cristo kita gidawat.) *“Nga kaniya anaa ang atong katub-sanang pinaagi sa iyang dugo, ang pasaylo sa atong mga s-a-l-a...”*

Karon, **hinumdomi, ang Dios nagpili nang daan kanimo pinaagi sa pagkahibalo nang daan, nga ikaw moabut niini.** Ang Dios, pinaagi sa pagkahibalo nang daan, nagpili nang daan kanimo nga makaabut sa yuta sa saad. Unsa ang Yuta sa saad alang sa mga Cristohanon karong panahona? *“Kay ang saad alang kaninyo ug sa inyong mga anak ug sa tanan nga atua sa halayo (Mga Buhat 2:14-18). Ug mahitabo sa kaulahiang mga adlaw, nagaingon ang Dios, nga pagabobuan ko sa akong Espiritu ang tanang katawhan, ug magahimog mga profesiya ang inyong mga anak nga lalaki ug babaye,” (Mga Buhat 2:14-18). Ug sa Isaias 28:10-12, Kay kini mao ang sugo ibabaw sa sugo, sugo ibabaw sa sugo; lagda ibabaw sa lagda, lagda ibabaw sa lagda; dinhi madiyutay, didto madiyutay. Hinonoo, sa lumalangyaw nga mga ngabil ug uban sa laing dila siya mosulti niining katawohan; Kanila miingon siya: Kini mao ang pahulay, hatagi ninyo ug pahulay siya nga ginakapuyan; ug kini mao ang makapahayahay: apan dili sila manimati.”* Nakita ninyo? Sa tukma gayud.

Tan-awa dinhi sa Mga Hebreohanon 4:1-10, dili ba siya miingon ug laing laing pahulay? Ang Dios nagbuhat sa ikapito ka adlaw ug mihatag kanila ug pahulay sa ikapito ka adlaw (*Gen. 2:1-3*). Sa laing dapit siya namulong mahitungod sa pahulay nga nagaingon, “karong adlaw diha kang David...” Tungod niana Siya mihatag kanila ug Pahulay, *“Umari kamo Kanako kamong tanan nga gibug-atan ug gikapuyan, ug papahulayon Ko kamo.”* Sumolod ngadto niining pahulay (Mateo 11:28-30). Kay kita nga nakasulod niining kapahulayan nakapahulay sa atong mga buhat sumala sa gibuhay sa Dios sa adlawng igpapahulay. Sa pagkatinuod. Mao kana ang inyong adlawng igpapahulay, ang pahulay. **Mao kana ang inyong tinuod nga pahulay dinhi niining yuta sa saad.**

Mao kana, ang pagsulod ngadto niining yuta sa saad. Giunsa nato sa pagsulod ngadto niini? **Kita gipili nang daan ngadto niini, ang iglesia, pinaagi sa pagkahibalo nang daan sa Dios.** Siya gipili nang daan ngadto sa unsa? Ngadto sa Iyang kadunganan, pinaagi sa Iyang grasya, ngadto sa himaya ug pagdayeg ug himaya sa Dios. Si Papa, nagalingkod didto sa sinugdan, ang milungtad sa Iyang kaugalingon, wala bisan unsa palibot Kaniya, buot nga pagasimbahon, busa Siya sa nahibalo nang daan nagpili nang daan sa iglesia, ug sa wala pa ang pagtukod sa kalibutan, ug nagbutang sa ilang mga ngalan diha sa Basahon sa Kinabuhay sa Corde-ro sa dihang sila gipatay sa wala pa ang pagtukod sa kalibutan, **nga sila motungha ngadto sa Iyang himaya ug sa Iyang pagdayeg sa katapusan sa panahon, sa dihang pagatigumon ang tanang butang diha nianang usa ka Tawo, si Cristo Jesus.** Whew. Himaya. Mao kana kini. Ug mao kana kini didto gayud, akong igsoong lalake, igsoong babaye. Ayaw gayud paglihok gikan niana.

Unsa ang nakapahimo kanila nga talagsaon? Kamo ang usa ka balaan nga nasud (*1 Pedro 2:9-10*). Unsay imong nabuhat? **Nakasulod niana nga yuta. Ikaw anaa sa laing yuta. Giunsa nimo sa pagsulod didto? Mao kana ang yuta sa saad.** Unsang matang sa saad? **“Ug mahitabo kini sa katapusang mga adlaw, miingon ang Dios, nga Akong ibubo ang Akong Espiritu sa tanang unod” (Mga Buhat 2:14-18).** Pinaagi sa usa ka Espiritu kitang tanan nabautismohan **ngadto niining usa ka yuta sa saad.** Amen. Mga igsoong lalake ug mga igsoong babaye (Hallelujah.) uban sa kaputli sa kasingkasing, wala kasina, wala pagpakig-away, wala bisan unsa...

Dili ko magtagad kung ang usa ka igsoong lalake nahisalaag, bisan kung unsay iyang ginabuhay, ikaw mangita kaniya. Miadto ako sa usa ka igsoong lalake dili pa lang dugay, nga nahisalaag. Usa ka batan-ong tawo miingon kanako, miingon, “Pasagdi kanang lampingasan. Pasagdi lamang siya.” Miingon ako, “Kung makaadto gayud ako sa usa ka dapit nga ang akong kasingkasing dili makig-uban sa akong igsoong lalake, nan mao na kini ang panahon alang kanako nga moadto sa altar, tungod kay ako nahulog gikan sa grasya.” Ako miingon, “Ako moadto samtang siya aduna pay gininhiwa sa iyang lawas, ug akong kuhaon siya sa usa ka dapit.” Oo, sir. Ug akong makuha siya (Hallelujah.), modala pagbalik kaniya. Oo, sir. Siya nahibalik na nga hilwas sa panon karon. Oo, sir. Siya nahisalaag ingon ka seguridad sa kalibutan. [5]

Kay si Pedro miingon, “*Paghinulsol kamo, ug pabautismo kamo ang matag-usa kaninyo sa ngalan ni Jesu-Cristo tungod sa kapasayloan sa inyong mga sala; ug madawat ninyo ang gasa nga Espiritu Santo. Kay ang saad alang kaninyo (unsang yuta sa saad) ug sa inyong mga anak ug sa tanan nga atua sa halayo, sa matag-usa nga pagatawgon sa Ginoo nga atong Dios.*”

Unsay nahitabo (sa Numeros 13 ug 14)? Nangutana ako kaninyo. Karon, ako usa ka tipolohista, ug bisan kinsa nga tawo nga nahibalo sa Biblia usa ka tipolohista. Aduna bay usa ka tawo nga nakasulod gayud nianang yuta sa saad? Walay usa kanila, kinsa ang nakabuhay niini? Kinsa ang nakaadto didto? Kadtung nakaadto pag-una, mibalik, ug miingon, “Makuha nato kini. Makabaton kita sa Espiritu Santo tungod kay ang Dios miingon sa ingon niini.”

“Si Pedro miingon sa adlaw sa Pentecostes, kung ako maghinulsol ug magpabautismo sa Ngalan ni Jesu-Cristo, akong madawat ang Espiritu Santo, ang saad alang kanako. Buot ako mobuhay niini. Akoa, ang saad akoo.” Nakuha ninyo kini? Karon, ang saad akoo. Akong dawaton kini; akoo kini. Seguridad mao kini. Sila ang mao lamang (*Mga buhat 2:38-41*). [6]

Sila sama sa mga anak sa Israel nga migula gikan sa Egipto ug wala nakaabut sa Yuta sa Saad. Karon kadtung mga anak sa Israel nga mibiya sa Egipto mga duha ka milyon nga kusgan. **Silang tanan nagdungan sa pagpanaw. Ang tanan nakakita sa mao ra nga mga milagro sa Dios, tanan mikaon sa mao ra nga mana ug tubig gikan sa gitugsok nga bato, tanan nanagsunod sa mao ra nga panganud sa adlaw ug sa haligi sa kalayo sa gabii apan duha lamang ang nakaabut sa Yuta sa Saad. Duha lamang ang matuod kon tinuod nga mga magtotoo.** Mao kana ang husto tungod kay ang Pulong magatug-an kanato nga ang tanan nangamatay tungod sa dili pagkawalay pagtoo; ug tungod sa pagkadili matinoohon sila dili makasulod (*Mga Hebreohanon 3:19*). Tungod kay mao kana, ug duha lamang ang nakasulod, nan ang tanan dili tinuod nga mga magtotoo. Unsa ang nakahimo nga kalainan? **Ang duha nagpabilin sa Pulong.** Sa dihang ang mga kasingkasing sa napulo ka mga espiya napakyas didto sa Kades Barnea, si Josue ug si Caleb wala magkaluya **kay sila mitoo sa Pulong** ug miingon, “Kita labaw pa nga makahimo sa pagkuha sa yuta.” **Sila nahibalo nga sila makahimo tungod kay ang Dios miingon, “Gihatag Ko kanino ang yuta.”** Human kadtung tanang mga Israelita nakakita sa gahum ug pagkamaayo ug pagluwas sa Dios sila wala makasulod ngadto sa kapahulayan, nga mao ang tipo sa Espiritu Santo. Busa inyong makita karon gayud **nga pipila lamang ang motoo gayud sa pagdawat sa Espiritu sa Dios.** [7]

Karon kita magabarug sama kang Josue ug Caleb. Ang atong yuta sa saad hapit na makita maingon sa ila. Karon ang Josue nagpasabut “Jehova-Manluwas”, ug siya nagrepresenta sa katapusang panahon nga pangulo nga moabut sa iglesia maingon nga si Pablo miabut ingon nga orihinal nga pangulo. Si Caleb nagrepresenta niadtong tinuod nga nagpabilin uban kang Josue. Hinumdomi, ang Dios nagsugod sa Israel ingon nga usa ka ulay uban sa Iyang Pulong. Apan sila nagkinahanglan sa laing butang. Mao usab sa katapusang adlaw nga iglesia. **Matikdi giunsa sa Dios nga wala gipalihok ang Israel, kon gitugotan siya nga makasulod sa yuta sa saad hangtud sa Iyang kaugalingong gitagal nga panahon.** Karon ang katawhan tingali mipilit kang Josue, ang pangulo, ug miingon, “Ang yuta ato, moadto kita ug kuhaon kini. Josue natapus kana, tingali nawad-an ka sa imong gahum, nawala kanimo ang gahum nga kanhi anaa kanimo. Ikaw kanhi nagpatalinghug gikan sa Dios ug nahibalo sa kabubut-on sa Dios, ug molihok dayon. Adunay sayup diha kanimo.” **Apan si Josue usa ka gipadala sa Dios nga profeta ug siya nahibalo sa mga saad sa Dios, busa siya nagpaabut alang kanila. Siya nagpaabut alang sa tin-aw nga desisyon sa Dios ug sa dihang ang panahon miabut nga**

molihok, ang Dios nagbutang sa bug-os nga pagkapangulo diha sa mga kamot ni Josue tungod kay siya nagpa bilin sa Pulong. Ang Dios misalig kang Josue apan dili sa uban. Tungod niana kini mausab niining katapusang adlaw. Ang mao gihapon nga problema, mao gihapong mga pagpamilit. [8]

Gipili nang daan sa wala pa matukod ang kalibutan ngadto sa pagkasinagop nga mga anak, gipili nang daan ngadto sa Kinabuhing Dayon. Karon, **human kamo makaabut ngadto sa Kinabuhing Dayon, human nga kamo naluwas, nabalaan, napuno sa Espiritu Santo, kamo mga anak. Karon, ang Dios buot magapahimutang kaninyo sa pwesto, oh, aron kamo makabuhat alang sa Iyang Gingharian ug sa Iyang himaya.**

Mao kana ang Maayong Balita. Ingon nga nahauna, patalinghugi ang Pulong, “Paghinulsol, magpa-bautismo sa Ngalan ni Jesu-Cristo alang sa kapasayloan sa mga sala.” Magakuha sa tanan ninyong mga sala, magatawag sa Ngalan sa Ginoong Jesu-Cristo, alang sa yuta sa saad... Ang saad alang sa matag dumoloong nga anaa sa inyong dalan. Kung imong biyaan ang imong pinuy-anan karong gabii, usa ka makasasala, magaingon, “Moadto ako sa Tabernaculo,” ang

Dios magahatag kanimo sa kahigayonan karong gabii. Adunay usa ka butang nga napahiluna taliwala kanimo ug sa yuta sa saad. **Unsa ang yuta sa saad? Ang Espiritu Santo. Unsa ang napahiluna taliwala kang Josue ug sa yuta sa saad mao ang Jordan.** Sa tinuod gayud.

Si Moises, ingon nga tipo ni Cristo, nagmando sa mga anak ngadto sa yuta sa saad; unya si Moises wala magdala sa mga anak pasulod ngadto sa yuta sa saad. **Si Josue nagdala sa katawhan pasulod ug gibahinbahin ang yuta.** Si Jesus mibayad sa bili, nagmando kanila ngadto sa Espiritu Santo. Ang Dios nagpadala sa Espiritu Santo, ug Siya nagpwesto sa iglesia diha sa han-ay, matag-usa ka tawo, nagapuno kaniya sa Iyang Presensya. Nakita ninyo kung unsay akong buot ipasabut? Ang tanan nga anaa kang Cristo Jesus, giunsa sa Dios sa pagpili nang daan niini ngadto sa pagtawag niining Maayong Balita.

Si Pablo, sa Mga Taga-Galacia 1:8. Miingon, “*Kung ang manulonda moanhi ug mowali ug bisan unsang butang pa, ipatunglo siya.*” Ang Kamatuoran, ang Maayong Balita... Karon, paminaw ug maayo samtang kita magapadayon sa pagbasa, sa pagtapos sa verseculo.

“Pinaagi kaniya, kamo usab, sa pagkadungog ninyo sa matuod nga pulong, sa Maayong Balita mahitungod sa pagluwas kaninyo, ug sa nanagpanoo na kamo kaniya, gitimrihan kamo, nga ang gitimri mao ang gisaad nga Espiritu Santo” (Efeso 1:13). [9]

Ug hinuimdomi, ang sala nga gibuhat sa Israel (pinaagi sa gisulti ni Balaam **nga silang tanan managsama**), nga nianang sala ang Israel wala gayud napasaylo (Num. 25:1-9). Ug tan-awa; tugoti sa paghatag kaninyo sa makapakurat nga numero; gawas sa duha ka milyon nga mibiya sa Egipto, duha kanila ang nakasulod sa yuta sa saad. Matag-usa kanila nagakaon sa mao ra nga butang; silang tanan misayaw diha sa Espiritu; ilang giusahan ang tanang butang. Apan sa pag-abut sa pahanon sa pagpalain, **ang Pulong mao ang nagapalain. Mao usab karong panahona. Ang pulong ang nagapalain.** Sa dihang moabut ang panahon, siya miingon, “Oo, dinhi, kita...”

Tanan silang mga Israelinhon, human nga ilang nakita si Moises nga nagabuhat niana ug nagdala kanila ngadto sa dakung konsilyo, diin didto kini pagahimoon, matag-usa kanila miingon, “Mouban kami kang Balaam, tungod kay kami naghunahuna nga si Dr. Balaam husto. Siya mas maigmat, mas edukado, tanang butang, busa atong dawaton gayud kini.”

Ug ang Dios wala gayud nagpasaylo kanila. Iyang gilaglag sila didto gayud sa kamingawan. Ug si Jesus miingon, “Dili gayud sila makaabut, walay usa kanila nga maluwas.”

Sila miingon, “Ang among mga ginikanan nagakaon ug mana didto sa kamingawan sa kap-atan ka tuig.”

Siya miingon, “Silang tanan nangamatay (sa walay katapusan nahimulag sa Dios). Tanan sila nangamatay.” Sa pagkatinuod. **Tungod kay sila nagpatalinghug sa sayup.** Sa dihang si Moises gipanghimatud-an sa Dios nga usa ka pangulo sa pagpakita sa dalan ngadto sa yuta sa saad, ug sila miuban sa ingon kalayo nga maayo man, apan human niana sila dili na mouban kaniya.

Karon, ang mga magtotoo makakita niini, apan ang mga dili magtotoo dili makakita niana nga gipanghimatud-an. ^[10]

Maingon nga si Moises nagatawag sa usa ka nasud gikan sa usa ka nasud, si Cristo karon nagatawag sa usa ka iglesia gikan sa usa ka iglesia, ang mao ra gihapon nga butang diha sa tipo, magadala kanila ngadto sa mahimayaong walay katapusang yuta sa saad.

Apan ania miabut si Moises, usa ka matinud-anon nga alagad nga nag-isip nga ang pasipala nga pagantuson alang kang Cristo ingon nga labing dakung bahandi kay sa tanang bahandi sa Egipto (*Heb. 11:23-27*). Siya miabut sa katapusan sa dalan, usa ka tigulang nga tawo, usa ka gatus ug kaluhaan ka tuig; mitungas ngadto sa bukid, ug siya nasayud nga ang kamatayon napapaabut kaniya, **ug siya milantaw sa yuta sa saad** (*Deut. 34*). Ug siya milantaw, anaa sa iyang kilid, ang iyang Pangulo, ang Bato. Siya mitikang ibabaw sa Bato, ug ang mga Manulonda sa Dios midala kaniya ngadto sa himaya sa himaya sa Dios, ngadto sa sabakan sa Dios. Ngano? Walo ka gatus ang milabay, siya sa gihapon gimandoan sa iyang Pangulo (*San Mateo 17:1-8*).

^[11]

Ug ang Dios wala gayud nag-atiman sa Israel hangtud miabut siya sa iyang yutang pinuy-anan. Patalinghugi ako! MAO KINI ANG GIPAMULONG SA GINOO: ang Dios dili gayud mag-atiman sa Iyang Iglesia hangtud nga Siya makabalik ngadto sa Yutang Pinuy-anan, ang Mensahe sa takna. Balik ngadto sa orihinal! Pahilayo gikan sa inyong Methodist, Baptist, Preybeterian nga mga ideya, inyong Pentecostal, Assemblies, oneness, threeness, ug fiveness, bisan unsa man kini, Church of God, Nazarene, Pilgrim Holiness, Church of Christ: tanang anticristo nga mga kalihokan. Ug akong naila nga kini miigo sa kalibutan. Tanang dautan, tanan iya sa yawa... Adunay diosnon nga mga tawo sa matag-usa kanila, diosnong katawhan sa matag-usa kanilang mga kalihokan, **apan ang organisasyon sa iyang kaugalingon dili iya sa Dios, ug ang Dios dili gayud magapanalangin niini.** Siya wala gayud nabuhat niini. ^[12]

Bisan kung unsa ka dugay ikaw nga nahimong Cristohanon, sa gihapon nakabaton ka ba nianang karaang espiritu nga nakigsulti kanimo, nakapahimo kanimo dali masuko, makahimo kanimo nga motabi mahitungod sa ubang tawo? Sa dihang ang ubang tawo moabut ug motabi mahitungod sa ubang tawo, moapil ka dayon ug oh, moduyog dayon kanila? **Sayup kana, igsoon, ayawg buhata kana. Kana sa katapusan magapahilayo sa yuta sa saad.** Kung imo pa gayud nabatonan kanang gamayng karaang mga butang nga dili angayng mabatonan nimo, kung ang gugma sa Dios wala sa imong kasingkasing, dili ba ikaw, moanhi ug moingon, “Dios, dinhi gayud akong isalibay kini, dinhi gayud. Mobiya ako gikan niining altar nga usa ka lahi nga tawo.” Mahimo ba nga moanhi ka? ^[13]

Reperensya:

- [1] “Mga Pangutana Ug Mga Tubag” (59-1223), COD-Basahon pahina 508, Pangutana-Nu. 106
- [2] “Pamasin” (62-0408), par. 18-22
- [3] “Mga Pangutana Ug Mga Tubag” (61-1015M), COD-Basahon pahina 659-660, Pangutana-Nu. 152
- [4] “Paglahutay” (64-0305), par. 94
- [5] “Pagkasinagop Bahin II” (60-0518), par. 19, 31-36, 124, 129, 132, 140-142, 196
- [6] “Pagkasinagop Bahin III (60-0522M), par. 189, 202
- [7] “Ang Kapanahonan Sa Iglesia Sa Esmirna”, CAB pahina 148
- [8] “Ang Kapanahonan Sa Iglesia Sa Pergamo”, CAB pahina 172
- [9] “Pagkasinagop Bahin IV” (60-0522E) par. 112-114
- [10] “Modernong Panghitabo Gipantin-aw Pinaagi Sa Profesiya” (65-1206), par. 124, 178-182
- [11] “Pagkapangulo” (65-1207), par. 141-279
- [12] “Mga Tugon Ni Gabriel Ngadto Kang Daniel” (61-0730M), par. 133
- [13] “Madanihong Mga Espiritu” (55-0724), par. 135

Spiritual Building-Stone No. 9 from the Revealed Word of this hour, compiled by:
Gerd Rodewald, Friedenstr. 69, D-75328 Schömburg, Germany
www.biblebelievers.de, Fax: (+49) 72 35 33 06

There's coming one with a Message that's straight on the Bible, and quick work will circle the earth. The seeds will go in newspapers, reading material, until every predestinated Seed of God has heard It. [Bro. Branham in „Conduct-Order-Doctrine“, page 724]